



Sagardotegi Ibiltaria. ASIER AGIRRE

## TXOTX EGIN, EDOZEIN TOKITAN

*Sagardotegi Ibiltariak urte guztian ematen du txotx zerbitzua, bertsolariekin eta trikitilarietara girotuta. Eskaera egiten duenak nahi duen tokian presta dezake sagardotegia eta sagardotegiko giroa.*

Euskal Herri osoko hiriak, herriak eta auzoak bisitatzeko eta herritarrei betiko sagardotegietan sortzen den giro berezia eta euskalduna eskaintzeko prestatua dago Sagardotegi Ibiltaria. Horretarako, txotxetik sagardoa edaten den bitartean, Sagardotegi Ibiltarian aritzen diren trikitilariak eta bertsolariek sagardotegietako giroa transmititzen dute.

Bertsolariek upelen aurrean egiten duten bat-bateko saio batekin hasten

da emanaldia, eta era horretan irekitzen dira upelak. Hortik aurrera, jendeak nahi beste sagardo edateko aukera izaten du aurretik banatzen zaizkien edalontziekin. Trikitilariak eta bertsolariek haien saioak tartekatzen dituzte, eta batera ere aritzen dira. Ondoren, nahi izanez gero, jai giroa luzatu daiteke trikitilariak egiten duten erromeriarekin.

Sagardotegi Ibiltariak zerbitzu hauek eskaintzen ditu: sagardo dastatzea,

plastikozko edo kristalezko edalontziak –serigrafiatuak izan daitezke–, labeldun haragiaren dastatzea –txahala, txerria, arkumea...–, parrilan prestatutako odolki, txorizo, sahieski eta beste hainbat produkturen dastatzea, gazta eta intxaur dastatzea, soinu ekipoen alogera, eta bertsolarien eta trikitilarien kontratazioa.

Bertsoa, trikitia eta sagardoa maite dituen lagun talde batek antolatuta sortu zuten Sagardotegi Ibiltaria 2003ko udan. «Egitasmoa era naturalean sortu zen», esan zion Asier Agirre BERRIARI 2011ko apirilaren 6an. «Batzuek azpiegitura teknikoa jartzeari ekin zioten, eta besteek bertsoaren eta trikitiaren inguruko lana prestatu zuten. Denon lana uztartu eta Sagardotegi Ibiltaria sortu genuen». Ordutik, lanpetuta ari dira Euskal Herriko hirietan, herrietan eta auzoetan barrena.

### EUSKAL KULTURA ZABALTZEN

Oinarrian, sagardoa txotxetik dastatzea eskaintzen dute, baina giroa alaitzeko trikitia eta bertsoak ere eskaintzen dituzte. «Gurea ez da catering zerbitzu bat, gurea kultur emanaldi bat da». Txotx irekiera batean izaten den festa irudikatzea da haien helburua. «Festa hori izaten da politena, bertsolariekin eta trikitilarietara. Horrekin guztiarekin euskal kultura zabaltu nahi dugu. Ez gara joaten jendea morkortzera».

[sagardotegiibiltaria.jimdo.com](http://sagardotegiibiltaria.jimdo.com) helbidean lor daiteke Sagardotegi Ibiltariaren gaineko informazio gehiago. Harremanetarako, 609-03 37 52 eta 639-93 46 56 telefono zenbakiak erabil daitezke, baita [Sagardojaia@hotmail.com](mailto:Sagardojaia@hotmail.com) helbide elektronikoa ere.

**SETIEN** sagardotegia

*XII. sagardo txalpelketako sariduna*

Oztaran bailara, 11  
Gurutza Berri etxea  
Tel.: 943-55 10 14 • URNIETA

**OTATZA**

TOLARE  
SAGARDOTEGIA  
SAGARDO NATURALA

Otatza Baseria • Tel.: 943-80 17 57 / 615-76 00 45 • 20214 Zeranin